



UNIVERSITÄTS-
BIBLIOTHEK
PADERBORN

Universitätsbibliothek Paderborn

Explanatio In Psalmos

Complectens Psalmos à 126 ad 150

Bellarmino, Roberto Francesco Romolo <Heiliger>

Dusseldorpii, 1765

VD18 15558428-001

Psalmus CXLIX.

[urn:nbn:de:hbz:466:1-53443](https://nbn-resolving.org/urn:nbn:de:hbz:466:1-53443)

verâ cognitione, & fide, & vero cultu, & adoratione, verâ filiali fiducia, & dilectione

PSALMUS CXLIX.

Titulus: *Alleluja.*

Argumentum est obligatio, quâ tene-
tur populus Dei laudare Dominum suum
præter ceteras gentes, ob gloriam sempiter-
nam sibi promissam, & ad quam finito præ-
senti exilio sine dubitatione perveniet.

V. 1. *Cantate Domino canticum no-
vum, laus ejus in Ecclesia Sanctorum.*

Hi tres ultimi Psalmi inter se conne-
ctuntur, & unus continuatur cum alio;
& ideo forte in officio Canonico ad lau-
des, quasi unus Psalmus, concinuntur.
Ait igitur: O vos sancti, qui populus estis
Deo propinquans, *Cantate Domino can-
ticum novum*, h. e. ceteræ creaturæ can-
tant canticum ratione creationis, quod est
canticum vetus; vos autem cantate ratio-
ne renovationis, justificationis, glorifica-
tionis, quod est canticum novum, super
novâ materiâ, à novis hominibus decan-
randum. Cantate autem, quia decet, ut
laus Dei potissimum audiatur in congrega-
tione Sanctorum.

Ps. 2. Laetetur Israel in eo, qui fecit eum, & filii Sion exultent in Rege suo.

Canticum novum magnam habet lætitiā, quia annuntiat beneficia perfectæ felicitatis, & quia ardentissimo amore procedit. Igitur Israel, populus Dei electus, qui cantat canticum novum, *laetetur* cantando in eo, seu conditore suo, qui non solum creavit naturam, sed etiam donavit gratiam, & sic fecit, non solum ut esset, sed ut esset Israel. *Et filii &c.*, idem repetit.

Ps. 3. Laudent nomen ejus in choro, in tympano, & psalterio psallant ei.

Nec solum cantent canticum cum lætitiā, & exultatione, sed adjungant instrumenta musica, h. e. non solum ore, sed & opere, non linguā tantum, sed etiam manu, h. e. vitā, & moribus cantent. Atque igitur: *Laudent eum in choro*, vocibus consonis simul concinentes, *in tympano, & psalterio*, manibus psallentes lætitiæ sonitum edant.

Ps. 4. Quia beneplacitum est Domino in populo suo, & exaltabit mansuetos in salutem.

Hæc est ratio cantici novi, quia complacuit sibi Dominus in populo suo, h. e. amavit

amavit eum ab æterno ex merâ benignitate suâ; & beneplacitum hoc reipsâ implebit, quia populum suum humilem, & mitem exaltabit usque ad summam excellentiam, quæ est æterna salus. Porro istud beneplacitum Dei est fundamentum, & prima radix omnium bonorum nostrorum: nam ideo prædestinavit, ideo vocavit, ideo justificavit, ideo glorificavit, *quia sibi complacuit in populo suo.*

Ps. 5. Exultabunt sancti in gloria, lætabuntur in cubilibus suis.

Describit futuram gloriam electorum, ob quam toto corde cantare debebant canticum novum. *Exultabunt sancti in gloria illâ cælesti, & simul lætabuntur in cubilibus suis, in loco illo summæ quietis. Erunt itaque in cubilibus, ut quiescant à laboribus, non ut dormiant, nec ut requiescant ab actione laudationis.*

Ps. 6. Exaltationes Dei in gutture eorum, & gladii ancipites in manibus eorum.

In illâ supernâ felicitate adeò non sunt otiosi sancti, ut & ore cantent, & manibus gladios vibrent. Per gladios intellige potestatem judicariam, quâ Sancti omnes in die novissimo ferient persecutores suos.

Ps. 7.

v. 7. Ad faciendam vindictam in nationibus, increpationes in populis.

Ad hoc utentur Sancti gladiis bis acutis, ut in die iudicii vindictam sumant de hostibus suis, & eos increpent, atque eis exprobrent iniquitates suas: *Stabunt enim tunc iusti in magnâ constantiâ adversus eos, qui se angustiaverunt. Sap. 5.*

v. 8. Ad alligandos Reges eorum in compedibus, & nobiles eorum in manicis ferreis.

Tunc Sancti potestate suâ judiciariâ & ferient condemnando, & per ministros suos sententiam exequendo, alligabunt Reges gentium *in compedibus* & Principes terræ *in manicis ferreis*, dum cum Christo in extremo die iudicii sententiam ferent adversus Antiochos, Herodes, Nerones, Diocletianos, & ceteros Principes infideles, ac dicent: *ligatis manibus, & pedibus projiciantur in tenebras exteriores, Matth. 22.*

v. 9. Ut faciant in eis iudicium conscriptum; gloria hæc est omnibus Sanctis ejus.

Hic aperte declarat Propheta, quorsum dixit, *ad faciendam vindictam &c.*: ut Sancti, qui in terris injustè iudicati sunt,

sunt, *faciant justum judicium*, jam olim conscriptum, decretum, firmatum, ut mutari non possit. *Gloria hæc sedendi cum Christo in nubibus, & judicandi Mundum, & Principes ejus, erit omnibus Sanctis ejus.* Licet enim Beda dicat, duos ordines futuros electorum, unum judicantium cum Christo, alterum misericorditer judicandorum; tamen illi, qui misericorditer judicati fuerint, postea etiam cum Christo judicabunt persecutores suos, ut constat ex 1. Cor. 16.

PSALMUS CL.

Titulus: *Alleluja.*

Argumentum: *Invitatur populus Dei ad laudes Domini in summo Cælo habitantis, cum omnibus musicis instrumentis, ut hoc modo demonstraret ardentissimum affectum suum.*

V. 1. Laudate Dominum in Sanctis ejus, laudate eum in firmamento virtutis ejus.

O vos electi, & Sancti laudate Dominum in Sanctis ejus, hebraicè, in Sanctuario cælesti habitantem. Tum idem repetit.